

武寧縣志卷之二十五

武寧縣知縣滇南李 珣纂

仙釋

洪荒既啟愚從智牧道術紛紜異軌同轂或統其全或致其曲二氏所宗柱下天竺抱一崇虛離羣絕俗厥趨雖岐歸於自淑武本奧區褒山邃谷仙佛棲遊鑪盃相續不侈宗門保其幽獨礫德攸彰真修是勗志仙釋仙

東漢

丁令威本縣人幼靈異七歲入山求道洞澈元理棲真於

青牛洞口仙去

舊志載晉建武元年三月三日仙

後化鶴歸鄉下華表

歌曰有鳥有鳥丁令威去家千年今始歸城郭如故人

武寧縣志

卷二十五

仙

四百三十五

民非何不學仙塚纍纍

按通志載令威故居在武寧林志云令威故宅在武寧縣東三十里又輿地紀勝精靈觀卽令威故居在武寧縣東遼山之東明一統志令威宅旁有青牛洞洞口石曰遺巾合証諸書令威爲武寧人無疑遼東本武寧山名世或誤以山名作郡名遂疑丁爲遼東人攷遼東志雖有華表山而飛天仙人經止云化鶴歸鄉下華表華表城樓上柱非山也若武寧之遼東山精靈觀以及巾石煉丹臺禮星壇諸名蹟班班可考原非假借附會云

王喬河東人

馮志誤作周時王子喬

初爲葉縣令有神術每朔望飛

鳥詣朝人莫測也隱德安縣之崑崙山嘗乘紫鹿訪丁

令威於青牛洞口後皆仙去因名其地曰紫鹿嶺

晉

丁義本縣人精燒煉術授吳猛以神方後入山修真不知所在

丁秀英丁義女也幼靈慧聞父與吳猛講論丹術輒注聽忘倦義手錄秘書秀英竊視之卽洞解元理謁謀母得九還要道遂藏修於白鶴山吳彩鸞嘗就學焉後乘鶴仙去

按吳猛傳邑人丁義授以神方則義爲豫章人明矣通志編入高安與正史不合又載高安有白鶴山爲秀英燒煉之所遂以丁氏爲高安人仙家雲遊無定何必附會且武寧縣南二十里有白鶴坪世傳丁仙

武寧縣志

卷二十五

仙

二

四百四十七

舊宅云卽秀英跨鶴上昇之處又瓜源有丁仙崖一徑險絕捫蘿而上得平地可數十畝其上有石臼鐵甕重各千斤非神功莫能運皆丁義遺跡其爲武寧人奚疑也今從晉書訂正

吳猛字世雲豫章人幼以孝聞夏日不驅蚊慮其去已而噬親也年四十邑人丁義授以神方嘗還豫章不假舟

楫以羽扇畫水而渡復師南海太守鮑靚

靚字太元東海人

得

秘法雲符同許遜謁謀母盡得其要妙一日暴風起書符擲屋上有青鳥銜去須臾風息人問故答曰南湖舟中有二道士呼救以此拯之訪之如其言庾亮爲江州刺史時遭疾聞猛神異乃迎問猛辭以算盡請具棺服旬日死形狀如生未大殮失其尸人以爲亮死之徵亮

果不起西安令于慶死已三日猛曰數未合終當生之遂卧尸傍數日與慶同起慶弟竇感其事爲撰搜神記慶好獵猛諫不聽一日大獵引火烘天而猛坐草中羣獸依附火不能及晉寧康二年許遜上昇猛亦乘白鹿車與弟子四人冲虛而去宋封神烈真人

按晉書吳猛豫章人攷職方乘吳析海昏建昌地置西安縣晉太康中改西安爲豫章縣太平寰宇記云卽今之武寧也通志作新吳人誤至安志稱猛仕吳爲西安令據本傳直云豫章人無令西安事且猛旣爲西安令復救西安令于慶之死前後牴牾今從信史訂正

舊志載猛所居曰西安有仙壇吳仙觀武寧在漢爲

武寧縣志

卷二十五

仙

三

四百四十一  
四百六十四

西平縣或亦因其故名

許遜字敬之南昌人少從吳猛傳三清法要晉太康初乘旌陽合謁謀母於丹陽授以道術煉丹於黃龍山得寶劍於梅山之下永嘉末海昏有巨蛇噓氣吸人吞噬甚衆遜仗劍斬之嘗捕蛟至武寧試劍於箬溪巨石上石分爲二斬蛟於邑西之龍潭後人建龍潭寺以祀焉寧康二年八月一日拔宅上昇按遜字一作敏之

董晉字混成西門人素業治兄弟三人從許遜捕蛟二兄遇害晉益感憤遜授以秘法遂精道術卒助遜周行郡邑驅逐至邑西龍潭殲之鄉人就其故居立廟祀焉唐勅封際眞護法忠懿侯王其廟曰白馬

按晉故居在今縣治西鐵爐巷垣牆鐵治遺跡現存

淨明全書稱晉爲分寧人誤今從舊碑訂入 舊志

**唐**

吳彩鸞猛女也唐太和末遇書生文簫於遊帷觀歌曰若能求伴陟仙壇應得文簫駕彩鸞自有綉襦并甲帳瓊臺不怕五更寒歌罷穿松徑捫險上簫躡踪至絕頂有仙童持判云彩鸞以私欲洩天機謫爲民妻一紀乃同歸鍾陵簫貧不自給鸞寫孫恂唐韻日可一部鬻獲五緡金盡復寫如是十年稍爲人知遂潛往越王山各跨一虎陟峯巒而去

按吳猛以晉寧康二年仙距唐太和末彩鸞遇文簫已近五百年矣仙人之歲月原不可知卽丁令威東漢人舊志載晉建武仙去相距近三百年亦猶是也

武寧縣志

卷二十五

仙

四

四百五十五

呂崑字洞賓蒲州人遊展至武寧入鍾鼎山愛其巖洞幽僻流連不舍所坐石崖至今手跡宛然其旁有丹井丹竈藥臼諸跡山下玉清宮立像祀焉

按洞賓雲遊天下鍾鼎遺跡或亦有之而後人欲實其事僞託詩章又不雅馴舊志收入藝文尤屬荒謬以知仙人所至顛倒於後世者亦難任受也

何仙姑零陵市人女呂純陽以一桃與之食其半得不饑嘗采藥於武寧之三山後人因建何仙庵

黃婆相傳唐時隱鍾鼎山深洞煉丹搗藥又釀泉爲酒太平山腰有黃婆酒店往往以酒飲樵夫獵子忽沒不見所居洞曰黃婆洞

盧仙姑武寧盧尙書女幼好神仙修煉於邑之飛洞山白

日冲舉遺履化石至今存焉

**宋**

趙道昌紹興間結茅於鍾鼎山曰冲和菴與其徒種藥採芝葆真養性深得吐納之妙後不知所終

按楊恢記宣和間勅宣道士朱德英住持在道昌之先已有其人非自昌闢而冲和之名則始於昌至嘉熙間余大猷易冲和曰玉清又距昌百年矣鍾鼎幽奧往往有異人棲息吳鵬桂希卜理湯豁然三鹿道人皆羽士名流也

張道清字得一號三峯郢州蒲騷里人少穎悟喜讀方外書稍長或數日不食或入山半旬不返家人踪跡之見清坐臥一崖猛虎踞側帖伏如家畜已而棄家至長森

武寧縣志

卷二十五

仙

五

四百三十三

結草庵以居用符水濟人甚驗淳熙丁未入九宮山結茅棲息慶元己未寧宗不豫召清醫治勿藥而起賜號真牧真人爲建欽天瑞慶宮開禧中金兵過長森清端坐繩床眾曳之弗能舉叢矢環射矢悉倒却兵益憤縱火焚其庵薪盡焰熄眾大驚散去丁卯七月七日蛻化至今兀坐山上

白玉蟾瓊州人姓葛名長庚善屬詩文好遊山水往來佳勝輒有題咏至武寧抱琴上柳山同譚元振黃日新憩於湧翠亭徘徊江上顧天大嘯酒酣作記紹定己未冬解化賜號養素真人

章權孫順義鄉仙潭人生宋景定壬戌幼好神仙長遊名山從武當祖師受雲門秘法驅致雷雨立驗權孫以爲

道不在是乃入太平山闢荒結庵倒植梅樛自盛即揭

雜咏柳山有黃楊天然如椅榻權孫每坐其上攝神服

氣或經旬不下一日採藥山間遇三老詔之曰藥在本

身何勞採也權孫驚伏拜求度世術遂得金丹秘要因

名其地爲三仙坡元皇慶癸丑年詔卽其庵建天乙祐

聖宮賜號自然甲寅遊黃州及石版江蛻化異香繞身

三日不息封廣惠真人遺骸在宮至今雙瞳炯炯如生

按太平山元鐘文皇慶癸丑舊志作延祐誤又天乙

祐聖宮作太乙亦誤

**明**黃中理雙井人涪翁八世孫弱冠爲固始尉患痿痺疾棄

官歸有神師金花君謂曰吾療汝疾愈當爲道士中理

武寧縣志

卷二十五

仙

六

四百四十四

許之七日能起行乃入九宮山主欽天瑞慶宮明太祖

西平江漢中理迎於鄂渚應對稱旨召至南京設燕饗

之及還曾魯宋濂俱送以詩

國朝

李德巖原名象坤字致庵南昌人其先世名彬者以靖難

功封豐城侯德巖少慷慨涉獵經史知兵兼通六壬遁

甲之術崇禎初仗劍出遊所至落落不合後聞青萊有

警遂往應募從戎有功授先鋒營都司居歲餘與主帥

不合棄官復遊京師見柄政者卒枉上行奸偷竄無

氣節太息曰天下事不可爲矣聞西湖休休子有道術

往師焉頗得其要領復謁逍遙子於西山虎島受參同

悟真秘旨國變居新喻東區乙酉土賊掩至圍其室數

匪室中忽發異香氤氳如霧竟日不歇賊駭散去順治乙未棄家入半演居爲道士己亥至武寧瓜源山中喜曰溪壑幽窅雲物清麗丁義吳猛故鄉也乃披荆剪莽結屋十餘間祀呂祖及丁吳諸仙署曰淨明堂德嚴旣入山數十年未嘗一出篤嗜書史至老猶手錄不倦云釋

唐

嚴陽尊者名善信初結屋於嚴陽山至天祐間居明心寺

舊志云江西制置劉公翽明心寺居之據坐蟠石常二虎一蛇馴繞左右

及入滅建塔寺西宋淳熙時啟塔髮垂至踵指甲過臂初參趙州問一物不將來時如何趙州曰放下尊者曰旣是一物不將來放下箇甚麼趙州曰放不下擔取

武寧縣志

卷二十五

釋

七

四百四十五

去遂大悟爲六祖下第五世

宋

法安禪師臨川人居延恩寺草屋數楹敗床不簣處之恬

然時法雲秀秀於師爲法門兄弟說法如雲雨以書招安安發書

頗以討飯養千百閑漢爲笑魯直稱其懷道遯跡靈源依之數年云如安公心無簡擇可愛可欽元豐甲子寂滅塔於寺後山魯直有銘見藝文

按法安宿延恩常與鄭山人往來黃山谷贈鄭郊詩曰開徑老禪來煮茗還尋密竹徑中歸老禪指法安蓋山谷聞清上人當來延恩因謁鄭山人問消息時作也

惟清上人自號靈源叟又號昭默邑陳氏子也童時日能

誦數千言有異人過書肆見之引其手熟視謂當爲天下名僧初謁法安欲傾心受法安曰子他日苦海法船也一壑豈能容乃徧歷諸方歸黃龍晦堂久之開法於舒州之太平洪州轉運使王桓迎歸以繼晦堂徐德占黃魯直往來與語莫不屈折咨嗟以爲弗及天下士大夫想望丰采願得一見嘗謂人曰諸方所說非不美麗要知如趙昌畫花花雖逼真非真花爾元祐七年無盡居士張天覺漕江西欽慕之檄寧邑官同諸山勸請出世於隆興觀音寺命甚嚴時清寓興化不得已親出投偈辭曰無地無錐徹骨貧利生深愧之餘珍鄺中大施門難啟乞與青山養病身

按山谷集有清和尚真贊寄清老詩三首覺範上人

武寧縣志

卷二十五

釋

八

四百四十六  
四百五十八

有昭默禪詩序並見藝文

諲上人居龍潭寺善詩文與黃山谷友善元祐間山谷訪諲上人時天雪方霽靖公亦在坐相與談論縱橫淋漓意象豪朗名其軒曰廣心事詳古蹟

靖公喜山水窮幽闢奧與諲上人往復吟咏涪翁深重之其於武寧拄杖不一所居有靖居院又有明心寺復結茅於城內古木間曰頤庵最晚得長墅源危濤峯下爲庵旁有井甚甘冽後人名曰靖公井其山曰靖公崖達上人西峯寺沙門悟如來律比丘之意父母喪獨於墳所旦夕誦唄歲時哀慕不少息嘗自名其庵曰報慈覺範上人爲之銘

國朝



杲公禪師號東巖康熙初說法於瓜源西瓜寺以源口有崖若龍又號曰龍巖粲叟工吟詩每出山有所觸則賦詩潑墨書田舍壁意興淋漓嘗攜四侍者踏雪陟降危磴師弟步武井然人以為仙因名其山曰雪仙山

紹高上人名機熊建邑陳氏子也禮瓜源口吉興寺就龍崖和尚數載既遊江浙至湖廣蘄州三角龍門請龍崖結期坐堂三四日頓悟法門大振主持佛教

無着禪師康熙間結草庵於邑西之天河山山故險奧人跡罕及其頂有池廣數畝產荷花甚盛師入山伐薪爲柱覆以荷葉自署曰荷葉庵周植梅杏梨桃飲水噉果與虎豹同寢處恬如也時或下山爲人治病多奇中有求診者雖百計要之終不往邑人喻良弼授徒山下師

過與語良弼叩以禪理師曰人欲淨盡天理流行此禪宗也入滅時舉火自焚其庵

青雲譜之馬道者李致菴所師事也以法名道常因自呼爲常住臂胛手腕脚脛腰腹皆約銅環人初叩其爐火瞳而不荅恒指耳爲聾康熙丙午不飲食者旬餘乃夜索茶集眾與語畢取筆書偈而寂偈曰非恍非惚清清白白解下連環圈丟去生死窟咄清風明月 六年無說補還虧缺一對聾耳根三般真藥物與君訣我非拙靜裏守紅爐動中添活雪去來來一笑別明日昇之火化火熾烟騰忽見一鶴自火盤旋烟上時露朱頂示人久之將燼遶青雲譜三匝向東心而逝南昌黃璧爲圖并記今猶存淨明堂